

## সরকার প্রাথমিক শিক্ষা ব্যবস্থাকেও ডিজিটাইজ করছে প্রাথমিক ও গণশিক্ষামন্ত্রী

জেলা বার্তা পরিবেশক, ঠাকুরগাঁও

প্রাথমিক ও গণশিক্ষামন্ত্রী মোস্তাফিজুর রহমান বলেন, ডিজিটাল বাংলাদেশ  
বিনির্মাণের অংশ হিসেবে শিক্ষা কার্যক্রমকেও ডিজিটাইজ করছে  
সরকার। এর ফলে শিক্ষা ব্যবস্থা ও শিক্ষা যোগাযোগে বৈপ্লবিক পরিবর্তন  
সাম্মিত হবে। আর প্রাথমিক শিক্ষা অধিদফতরে ফাইন্যান্সিয়াল ম্যানেজমেন্ট  
ওয়েব সফটওয়্যারের ব্যবহার শুরু করার ফলে এ বিভাগের আর্থিক হিসেবে  
বৃদ্ধতা ও জবাবদিহিতা আসবে। এ বিভাগের পুরোনো হিসেবে ব্যবস্থা  
অনেক ত্রুটি ও দুর্বলতা ছিল। যার এখন ওয়েব বেসড কম্পিউটারাইজড  
অ্যাকাউন্টিং সিস্টেম-এর মাধ্যমে দূরীভূত হবে বলেও আশা প্রকাশ করেন  
তিনি। গতকাল সকালে ঠাকুরগাঁও জেলা প্রশাসকের সম্মেলন কক্ষে  
ঠাকুরগাঁও জেলা শিক্ষা অফিস আয়োজিত তৃতীয় প্রাথমিক শিক্ষা কর্মসূচি  
পিইডিপি-৩-এর আওতায় ফাইন্যান্সিয়াল ম্যানেজমেন্ট আভ ওয়েব বেসড  
কম্পিউটারাইজড অ্যাকাউন্টিং সিস্টেম বিষয়ক দু'দিনব্যাপী প্রশিক্ষণ  
কর্মশালার উদ্বোধনী অনুষ্ঠানে তিনি এসব কথা বলেন। তিনি আরও বলেন,  
২০২১ সালের মধ্যে দেশের প্রাথমিক শিক্ষা ব্যবস্থায় আমূল পরিবর্তন  
আসবে। সে জন্য বর্তমান সরকার প্রাথমিক শিক্ষার উন্নয়নে নানামুখী  
পদক্ষেপ নিয়েছে। এই পদক্ষেপগুলো দেশের শিক্ষা তথা প্রাথমিক শিক্ষা  
ব্যবস্থাকে এগিয়ে নিয়ে যাচ্ছে সামনের দিকে।  
মন্ত্রী আরও বলেন, আগামীতে প্রাথমিকে আরও আধুনিক যুগোপযুগি ও  
মানসম্মত শিক্ষা ব্যবস্থা করবে সরকার। তবে এ শিক্ষা ব্যবস্থা বাস্তবায়নে  
নিষ্ঠা, একাত্মতা ও দায়িত্ববোধ নিয়ে সকলকে কাজ করতে হবে। এ সময়  
প্রাথমিক শিক্ষার উন্নয়নে সরকারি কর্মকর্তা, শিক্ষক, অভিভাবকসহ সংশ্লি-  
ষ্ট সকলকে এক্যবদ্ধভাবে কাজ করার আহ্বান জানান মন্ত্রী।  
এতে বিশেষ অতিথি ছিলেন পানি সম্পদ মন্ত্রণালয় সম্পর্কীয় সংসদীয় স্থায়ী  
কমিটির সভাপতি ও সংসদ সদস্য রমেশ চন্দ্র সেন এমপি। সংরক্ষিত  
মহিলা আসনের সংসদ সদস্য সেলিনা জাহান লিটা ও প্রাথমিক শিক্ষা  
অধিদফতরের পরিচালক ও যুগ্ম সচিব আবদুর রউফ। এ উপলক্ষে  
আয়োজিত উদ্বোধনী অনুষ্ঠানে ঠাকুরগাঁও জেলা প্রশাসক মুকেশ চন্দ্র  
বিশ্বাসের সভাপতিত্বে বক্তব্য রাখেন প্রাথমিক শিক্ষা অধিদফতরের  
বিভাগীয় উপ-পরিচালক মেহের এলাহী, এ বিভাগের ঠাকুরগাঁও জেলা  
উপ-পরিচালক নবী হোসেন তালুকদার ও জেলা প্রাথমিক শিক্ষা কর্মকর্তা  
আবু হারেস।